

ԻՎԱՆ ՊԵՏՐՈՎԻՉ ԿՐԻՊՅԱՆՎԻՉ!

Անցյալ տարի ամռանը եղբայրական Ուկրաինայի, Հայաստանի և ամբողջ Միության գիտական հասարակայնությունը հանդիսավորությամբ նշեց ուկրաինացի մեծավաստակ գիտնական, խոշորագույն պատմաբան, Ուկրաինական ՍՍՀ գիտությունների ակադեմիայի ակադեմիկոս Իվան Պետրովիչ Կրիպյակևիչի ծննդյան 80 և գիտական ու հասարակական գործունեության 60-ամյա հոբելյանը: Իսկ այս տարվա ապրիլին հեռագիրը մեզ հասցրեց մեծանուն գիտնականի մահվան բոթը:



Մանո եռուստ եռեռ ուեռահնական պատմագիտությունը, Կյանքից հեռացավ մի մարդ, որը չեց տասնամյակ շարունակ գիտնականի իր բազմակողմանի բնօրինակությունները, մեծ տաղանդն ու անսպասելի տանգր ի սուս էր դրել մայր ժողովրդի պատմության բազմաթիվ հարցերի հետազոտմանն ու մշակմանը, հանրապետությունում պիտական բարձրորակ կադրերի պատրաստմանն ու աճեցմանը:

Գիտության ասպարեզ մտնելով տակավին XX դարի սկզբին, Իվան Պետրովիչը մեծ կամք և տոկունություն հանդես բերեց հաղթահարելու համար այն բազմաթիվ դժվարություններն ու խոչընդոտները, որոնք խանգարում էին ուկրաինական ազգային պատմագրության զարգացմանը Արևմտյան Ուկրաինայի տերիտորիայում՝ ցարիզմի և բուրժուա-կապիթալիստական Հե-հաստանի տիրապետության ժանր պայմաններում:

1907 թվականին լույս տեսավ նրա «Լվովյան Ռուսիան XVI դարի առաջին կեսին» հետազոտությունը: Դրան հետևեց «Նյութեր Լվովի առևտրի վերաբերյալ» ժողովածուն: Մավալով ոչ մեծ, բայց գիտական արժեքով շափաղանց նշանակալից այս աշխատությունների հրապարակ դալն արդեն ուղենշեց երիտասարդ պատ-

մարանի հետագա ամբողջ գիտական գործունեությունը. նա իրեն նվիրեց ուկրաինական ժողովրդի միջնադարյան պատմության պրոբլեմների ուսումնասիրությանը: 1911 թվականին նա դարձավ Տ. Գ. Շևչենկոյի անվան գիտական ընկերության պատմա-փիլիսոփայական սեկցիայի անդամ:

Ի. Պ. Կրիպյակևիչի գիտական գործունեությունը առավել արդյունավետ և բեղմնավոր դարձավ 1939 թվականից հետո, երբ Արևմտյան Ուկրաինան, որտեղ նա բնակվում էր, միացավ մայր Հայրենիքին՝ Ուկրաինական Սովետական Սոցիալիստական Հանրապետությանը:

Հայրենական պատերազմից հետո Իվան Պետրովիչը՝ արդեն ձևավորված և համընդհանուր Հանաչման արժանացած մի գիտնական, երիտասարդական ավյունով կրկին ձեռնամուխ եղավ գիտական նորանոր պրոբլեմների հետազոտմանն ու բացահայտմանը: 1953 թ. նրա գրչի տակից դուրս եկավ «Արևմտյան Ուկրաինայի հարաբերությունները Ռուսաստանի հետ մինչև XVII դարի կեսերը» մեծարժեք մենագրությունը, իսկ 1954 թվականին՝ «Բոգդան Խմելնիցկի» ուսումնասիրությունը: Ինչպես այս, այնպես էլ բազմաթիվ այլ աշխատություններում Ի. Պ. Կրիպյակևիչը գիտական խորությամբ բացահայտում էր ուկրաինական ժողովրդի ազգային-պատմագրական

պայքարի հերոսական պատմությունը, նրա դարավոր բնական ձգտումը վերամիավորվելու եղբայրական Ռուսաստանի հետ:

Ի. Պ. Կրիպյակևիչը մեծ վաստակ ունի նաև Ուկրաինայի քաղաքների պատմության ուսումնասիրության ասպարեզում:

Ականավոր պատմաբանը թողել է գիտական խոշոր ժառանգություն՝ մոտ 600 աշխատություններ, ժողովածուներ, մեծ ու փոքր հոդվածներ:

Սովետական կարգերի օրոք Իվան Պետրովիչը իրեն դրսևորեց նաև որպես գիտական գործի փայլուն կազմակերպիչ: 1951 թվականին նշանակվելով Ուկրաինական ՍՍՀ գիտությունների ակադեմիայի լիակի հասարակական գիտությունների ինստիտուտի պատմության բաժնի վարիչ, ապա և նույն ինստիտուտի դիրեկտոր, նա շատ քանքեր, ուժ ու եռանդ ներդրեց գիտական աշխատանքների ծավալման, երիտասարդ գիտական կուրեր պատրաստելու գործում:

1958 թ. նա ընտրվեց Ուկրաինական ՍՍՀ ԳԱ ակադեմիկոս: 1961 թ. նշելով նրա խոշոր ծառայությունները հանրապետությունում հասարակական գիտությունների զարգացման առաջնություն, Ուկրաինական ՍՍՀ Գերագույն սովետի նախագահությունը նրան շնորհեց գիտության վաստակավոր գործչի պատվավոր կոչում:

Ակադեմիկոս Ի. Պ. Կրիպյակևիչը աչքի ընկնող դեր է կատարել հայ-ուկրաինական պատմական կապերի լուսաբանման ասպարեզում: Զբաղվելով լիովի և ամբողջ Արևմտյան Ուկրաինայի պատմության հարցերով, Իվան Պետրովիչը գեո իր առաջին աշխատություններում նշանակալի տեղ էր հատկացնում Արևմտյան Ուկրաինայի հայկական գաղթավայրերի պատմությանը: Իսկ 50-ական թվականներից սկսած այդ գաղթավայրերի պատմության ուսումնասիրությունը նրա ղեկավարած ինստիտուտում դարձավ ավելի ծավալուն, նպատակասլաց և մեթոդիկ: Իր բազմաթիվ ելույթներում, զեկուցումներում, զրույցներում նա հաճախ էր ընդգծում հայ-ուկրաինական պատմական կապերի բազմակողմանի լուսաբանման անհրաժեշտությունը: Նրա անմիջական ղեկավարությամբ և օգնությամբ լիովում, Կիևում և Ուկրաինայի այլ քաղաքներում աճեցին հայ-ուկրաինական սլատմական կապերն ուսումնասիրող տասնյակ տաղանդավոր հետազոտողներ (Շևչենկո, Իվասյուտա Իսակիչ, Գրաբովեցկի, Կրիվոնոս, Դաշկևիչ և այլն): Իվան Պետրովիչը ոչ միայն ղեկավարում էր այս ուղղությամբ տարվող աշխատանքները, այլև գրանցում հանդես էր բերում ամենագործուն անձնական մասնակցություն: Մեր հանրապետության և Ուկրաինայի գիտական հասարակայնությանը լայնորեն հայտնի են նրա հոդվածներն ու զեկուցումները լեհահայ պատմաբան Սադոկ Բարոնչի գործունեության (1959 թ.), լիովի հայկական գաղթի առաջացման (1962) և այլ հարցերի մասին: Չնայած իր չափազանց մեծ զբաղվածությանը և առողջության ծանր վիճակին, Իվան Պետրովիչը մեծ պատրաստակամությամբ մասնակցում էր հայ-ուկրաինական գիտական նստաշրջաններին, կարդում էր հետաքրքիր զեկուցումներ, ուղղություն տալիս այդ աշխատանքներին: Իր մանկանից ընդամենը մի քանի ամիս առաջ, անկողնուն գամված լինելով և այդ իսկ պատճառով չկարողանալով անձամբ մասնակցել լիովում հայկական տպարանի հիմնադրման 350-ամյակի առթիվ կազմակերպված գիտական նստաշրջանին, նա այնուամենայնիվ կարողացավ պատրաստել և նստաշրջանին ներկայացնել մի չափազանց արժեքավոր զեկուցում («Ուկրաինա-հայկական պատմական փոխհարաբերությունների խորագնին հետազոտման համար»), ուր ընդհանրացնում է հայ-ուկրաինական պատմական կապերի ուսումնասիրության ասպարեզում մինչ այժմ կատարված աշխատանքները և առաջ քաշում այդ կարևոր պրոբլեմին նվիրված սինթետիկ աշխատություններ ստեղծելու խնդիրը:

Իվան Պետրովիչ Կրիպյակևիչը հզոր տաղանդի տեղ գիտնական էր, անձնական մեծ հմայքով օժտված մարդ և քաղաքացի:

Նրա ամբողջ կյանքում, գիտական և հասարակական գործունեության մեջ փայլուն կերպով դրսևորվեցին հայ-ուկրաինական դարավոր բարեկամության լավագույն ավանդները:

Ակադեմիկոս Իվան Պետրովիչ Կրիպյակևիչի անմոռաց հիշատակը միշտ վառ կմնա Հայաստանի գիտության աշխատողների սրտերում: